



22. december 2021

Inatsisartut ingerlatsinermut maleruagassaasa § 37 imm. 1 tunngavigalugu Naalakkersuisunut ukuninnga apeqquteqaateqarpunga:

Naalakkersuisunut apeqquteqaatit:

- 1. Naalakkersuisut pissusissamisoorsorinerlugu Royal Arctic Line piffissap sivikitsup iluani marloriarlutik assartuinermut akinik qaffaanerat?**
- 2. Naalakkersuisut paasissutissiisinnaanerlutik, sooq Uuliamut Aningaasallu nalinginut tapiliuttagaq naleqqersuutit 2010-meersut atorlugit qaffanneqarnersoq?**
  - a. Naalakkersuisut isumaqarnerlutik qaffaaneq inuussutissarsiornerup siuarsarnissaanik siunertaqarnermut tulluunnersoq?**
  - b. Naalakkersuisut eqqummaariffiginerlugu qaffaaneq innuttaasunut qanimut sunniuteqarnissaa?**
  - c. Naalakkersuisut ernummatiginerlunikku qaffaaneq Kalaallit Nunaat tamakkerlugu pisiassat naliginnaasut akinik pitsaanngitsumik kinguneqarnissaa?**
  - d. Naalakkersuisut ernummatiginerlunikku qaffaaneq Kalaallit Nunaat tamakkerlugu sanaartornerup akinut pitsaanngitsumik kinguneqarnissaa?**
- 3. Innuttaasut inuussutissarsiortullu qaqugumita Royal Arctic Line Eimskip-lu ingerlaaqatigiittalernermut isumaqatigiissutaat pitsasumik kinguneqartumik malugilissavaat?**
- 4. Aalborgimi soraarsitsiortorneq eqqartorneqangaatsiartup Royal Arctic Line qanoq aningaasartuuteqarfigitigaa aammalu sulisut qassit soraarsinneqarpat?**
- 5. Naalakkersuisut atlantiku aqqutigalugu assartuussinerup kisremaassilluni ingerlajunnaarnissaa pilersaarutigaat?**
  - a. Taamaappat, piffissaq qanoq sivisutigisoq eqqartorneqarpa?**
  - b. Taamaanngippat, kisitsisit suut tunngavilersuutigineqarpat?**
- 6. Aningaasatigut allaffissornikkullu pisortanut, innuttaasunut inuussutissarsiortunullu suut kingunissaraat, killeqanngitsumik assigiittumillu unammilleqatigiinneq atlanikukkut assartuussinerit ammaanneqaraluuarpat?**
- 7. Royal Arctic Line nunarsuatta suaniit orsussamik pisiniartarpa, tassanerpiarlu pisiniartarnerup suut tunngavilersuutigai?**
- 8. Royal Arctic Line maani Nunatsinni orsertarpa?**
- 9. Naalakkersuisut pineqartumut attuumassutilinnik allanik ilisimatitsissuteqarsinnaanerlutik?**



(Inatsisartunut ilaasortaq Jens-Frederik Nielsen, Demokraatit)

**Tunngavilersuut**

Ullumikkut atuisut Royal Arctic Line-mut 6,3 procenti Uuliamut aningaasanullu nalinginut tapiliuttakkamut taaneqartartumut akilertarpaat. Royal Arctic Line atuisuminut nalunaaruteqarpoq tapiliuttaq taanna 13,6 procentimut 1/1-2022 aallarnerfigalugu qaffanneqassasoq. Tamatumani 7,3 procentimik qaffaarujussuarneq eqqartorneqarpoq.

December qiteqquttoq tamanna nalunaarutigineqarpoq – imaappoq ulla 14-nit ilimasaaruteqarnikkut. Ilimasaaruteqarneq taama siviksigitillugu qisuarlarnissaq akinullu qaffanneqarsimasunut nalimmassaanissaq periarfissaasimanngilaq.

Inuussutissarsiortunut naggataagullu innutaasunut tamatsinnut naleqangaatsiartussanngorpoq. Royal Arctic Line pisortanit pigineqartuuvoq ukiuni kingullerni aaqqissusseqqinnerit annertuut aaquaarsimagai. Tamannalu ajoraluuartumik Kalaallit Nunaanni niuerakkut pitsanngoriaatinik malitseqarsimanngilaq. Killormuuanik inuussutissarsiortunut akitsorsimavoq kigaannerulersimallunilu.

Royal Arctic Line pisussaaffeqarpoq aaqqissusseqqinnerit qanoq pitsasumik malitseqarumaarnerannik akissuteqassallutik, Naalakkersuisullu pisussaaffeqarpuit inuussutissarsiortunut innuttaasunullu ersarissunik akissuteqassallutik.

Apeqquut akissutaat ulla qulit suliffiusut iluanni akineqareersimanissaat kissaatigaakka.